

TOUCHER

CENTURION ROLBALKLUB

CENTURION BOWLS CLUB

(www.centurion.bowls-club.co.za)

secretary@centurion-bowls.co.za

NUUSBRIEF / NEWS LETTER

Desember

2022


December

Vir ons is 'n Seun gebore, aan ons is 'n Seun gegee. Jesaja 5:9

"Geseënde Kersfees". Mag daar vir elkeen van ons ryke inhoud aan hierdie frase gegee word. Kersfees is in wese Genadefeis.

Indeed, may we all experience Christmas again as reminder of the grace of our Lord, for eternity and for earthly matters. For yet another year, playing bowls has been part of the life

KERSBOODSKAP - *Bozman Olivier*



Die Centurion-rolbalklub kan sigself as uiters geseënd beskou.

Ons het, wat lede betref, slegs een lid aan die dood afgestaan, en volgens BGN het net tien van ons lede bedank. Hierdie getalle is egter goed aangevul deur 'n klompie nuwe lede wat wissel van nuwelinge en meer ervare spelers wat van ander klubs by ons kom aansluit het. Centurion is nou een van die top klubs in die streek in terme van ledetal.

Geen klub kan sonder sy mense voortbestaan nie en daarom glo ek ons is geseën met die lede wat ons nou het, want hulle is mense waarop jy kan staatmaak om die klub te help groei en sterker en sterker te maak in die jare wat voorlê.

Die lede van die Bestuur is elkeen 'n besonderse mens. Dit is immer gevaarlik om name te begin opnoem, maar ek kan met trots sê die klub se geldsake het verbeter, daar is nuwe lewe in die kompetisiegeledere en die ligaspanne ervaar gemengde sukses. Dit is alles te danke aan die toewyding van die bestuurslede.

Ons nader nou die Feesgety waar ons saam met ons rolbal- en ander familie kan terugkyk oor die jaar wat verby is en kan sê: "Dankie Heer vir elke seëning wat U na my toe laat kom het deur U genade." Kom ons vergeet nie waaroor hierdie tyd gaan nie, die grootste seëning wat elkeen van ons kan kry deur die opoffering van ons Vader en Heer.

Nou kan ons, in die woorde van Koos du Plessis sê:

*"Kersfees kom, Kersfees kom,
Gee aan God die eer.
Skenk ons 'n helder Somerkersfees,
in hierdie land O Heer."*

HOOGTEPUNTE

Die laaste Worslopie vir die jaar het plaasgevind op 6 Desember, en weereens was dit 'n groot sukses, met 66 lede wat letterlik die bane volgespeel het. Onse Leon hou nie juis van sosiale vierspel nie, hy reken dat daar 'n verband is tussen hierdie vorm van spel en die Katolieke Kerk. Belangstellendes kan hom gerus verder hieroor pols. Ewenwel, die worslouere is verwerf deur Magda Timmerman en Rina Meyer. Baie geluk aan hulle, en groot dank aan Leon vir sy groot moeite en borgskap vir hierdie geleentheid. Talle WhatsApp-boodskappe het hierdie dankwoord bevestig.

Daar was baie mooi kompetisie-prestasies in die liga, ander BGN-kompetisies en op klubvlak. Die besonderhede volg verderaan in hierdie uitgawe. Die klub het uitstaande gunstige blootstelling gekry, en baie geluk en groot dankie aan elkeen wat daartoe bygedra het.

En toe breek 10 Desember aan - Jaareindfunksie! Feesgangers is begroet deur pragtig gedekte tafels (handewerk van Elize du Plessis en medewerkers) en 'n keurige program. Na aanvanklike lekker kuierk, het 'n sanggroep bestaande uit Dawid Theron (Isa se seun), Johan Grobler, Dawn de Beer, Adri Greve, Elize du Plessis, Freda Cloete en Isa Theron, met klavierbegeleiding deur Estelle van der Waals, vier pragtige Kersliedere gesing, afgewissel met 'n paslike voorlesing deur Magdaleen Antonites.



Johan de Villiers het 'n treffende Kersboodskap gelewer en die tafelgebed gedoen. Die ete was letterlik 'n fees, onder die bekwame hand van Liezl Loock en verskeie dames wat haar bygestaan het. Alles was so stylvol en knap gedoen!

Huisbaas Carson, die bekende karakter (as "butler") in die reeks "Downton Abbey" sou trots gewees het - hy het hoeka in 'n bepaalde episode die volgende groot wysheid kwytgeraak: "Without style, life has no meaning". Knap gedaan, dames!

Die funksie is afgesluit met lekker samesang ("jolpatrol") onder leiding van Dawid Theron, en bedankings deur Bosman, veral aan die adres van Liezel, Hermien en Marieta, maar ook aan almal wat met groot geesdrif meegehelp het aan 'n spogfunksie, sonder gelyke. Ten slotte is bestuurslede ook bedank vir hulle werk die afgelope jaar. Om op te som:



*Die Jaareindfunksie het gesimboliseer wat tans in die klub gebeur, naamlik op koers na
steeds hoër vlakke en standaarde op alle gebiede.*

KLEINJAN

Hallo Ma

Ek het mos vir Ma gesê ek sal ma bietjie met die ingels help as daardie nuwe oom Du Boisin van Voerkraal, wat 'n ingelsman is, by ma kom tee drink.

As hy miskien uitvra na ons kinders moet ma vir hom net sê, Litteljon is my oulderst kied. He is playing rolerballs on the flat grass at Centurion rolerballs klub. He rolls the balls ups and downs and walks then from one side to the other side of the flat grass. He wants to be good to roll the skew boul to be close to a white one. The old peoples rolls along with him. He has telling me it is very nice. My other kied is also a sun. He is in the workshop where they show him to be a mekhenick, when he is good enough to strip an cars engin.

My girl kied is still in the school, but she do not stay in the school, she comes to home when the school is over. She one day had red heels but Litteljon has been spoken to her and now she is better. Ma moet nie meer goed sê van ons nie, want dan raak hy dalk firmiliehêr.

Ma, dit is hin vreemde ding wat hulle hierso op die grasperk doen. Eers het die ou ooms met mieleimeel lyne oppi gras gemaak. Dan gooi hulle daai skeef hollende balle meer regyt, as hul probeer oppi lyne gooi. Nout dit verander na verf. Rooi wat pienk is, geel verf, toe blou verf, en toe word dit groen verf, nou is dit wit verf. Ek weetie, maar die ou ooms weetie ookie wat hulle wil hê nie. Elke keer 'n anner kleeer verf. Toe gaan kyk ek hoe hulle die strepies verf, want dit is mooi reguit en staaldraad dun, ek het gedog dit is met 'n kwas. Het gewonner of hulle maskingtyp oppi gras plak, om dit so te kry.

Maar Ma salli glo nie!! Ek dink hul het 'n ou triak iewers op 'n plot gaan optel, soos die een wat ons as kinnners altyd oor baklei het om oppi stoep mee te ry. Toe haal hulle die saal af, en maak 'n ou 5 gelling oeliblik oppi raam vas. Toe sit hulle nog 'n premwiel inni blik, en die mors verf oppie triak se voorwiel. Die ooms ry nie die triak nie, hulle het 'n ou dropper inni saal se pyp ingedrik en dan stoot hulle die kontrepsie heen en weer oori grasperk. Die ding verf nogals mooi strepies. Ek dink Ouboetie moet vir hom ook so nou traik oppi drukgang by die kraal vasmaak, dan kan hy die bronstige ooie vining met strepe verf merk, sodat hulle kan ram kry.

Ma, antie Dooring wat die klere maak, sê, Zinzan, van Erens se ander helfte, se prentjies op haar balle lyk soos Janfrederiks. Tannie Beautiful wil toe weet of dit 'n hoender ras is. Mens kan sien sy ken nie voëls nie.

Die ooms en tannies het toe hulle kerriebeker gespeel, die ene waar ek nie mag speel nie, omlat ek te laat gebore was. Oom Generaal van die Paal is nou die mans se oumankampioen, nadat hy vir Oom Hanus Bota gewen het. Die ou tannie kampioen is Maer Ria Stain, want sy het vir tannie Katjie Osten gewen. Hulle name gaan nou op die mure by die klub geplak word, en hulle gaan bekery kry, net soos met die Kerriebeker.

Ma weet mos ek is nie goed met somme nie. Nou praat die afrigters hier dat ons 'n twintig twintig toets moet doen. Ek worry baie want alles bo tien maak my deurmekaar.

Dan het hulle nog 'n vyftig vyftig bord, wat amper soos die lotto is, mens koop net nie kaartjies nie. Mens gooi R5 in 'n boks en kies 'n nommer onder 100. As al die nommers gekoop is, trek Oom Santa Bosman een nommer en die ene wen die helfte van die geld in die boks. Die anner helfte word vir die klub gegee om setvette en verf vir die bane te koop.

Mooi loop ma,

Kleinjan.

BESTUUR

Centurion-Rolbalklub: 'n kompeterende, sowel as 'n sosiale klub vir ons rolbalspelers.

Die Bestuur van die Centurion Rolbalklub streef aktief daarna om die klub, met die ondersteuning van al ons lede, as beide 'n kompeterende/mededingende, sowel as 'n sosiale klub te posisioneer.

As kompeterende/mededingende klub is Centurion Rolbalklub by Bowls Gauteng North (BGN) en Bowls South Africa (BSA) geaffilieer en neem aan verskeie BGN-kompetisies, insluitende die Enkels-, Pare-, Driebal-, Vierbal-, Liga- en Meesterskompetisies, deel. Dit is vir die klub belangrik om 'n aktiewe rol binne BGN/BSA-konteks te speel, spesifiek met die oog daarop om nie alleen die klub se beeld te bevorder nie, maar ook om geleenthede vir ons spelers wat op hierdie vlak aan die spel wil deelneem, te skep. Suksesse op hierdie gebied trek nuwe lede, borge, besighede, skole ens, wat op hulle beurt, 'n sterk rol in die finansiële volhoubaarheid van die klub speel.

In hierdie lig wil die klub ons lede wat bereid is om aan hierdie kompetisies deel te neem (sowat sestig persent van die lede), voldoende geleentheid gee om binne of buite die normale speeltipe van die klub as individue/spanne te kan oefen. Die BGN-liga, wat waarskynlik die grootste impak in hierdie verband het, strek oor 'n periode van nege uit die beskikbare 52 spelweke van die jaar. Oefenwedstryde waarby slegs 'n klein getal van die ligaspelers op 'n keer betrokke is, word vir 'n periode van vier weke voordat die liga begin, sowel as tydens die ligakompetisie, op normale speeldae geskeduleer. Hierdie spanne oefen hoofsaaklik op Saterdagoggende wanneer net een baan beskikbaar is. Dit beteken dat die ligaspelers vir die grootste gedeelte van die jaar vir deelname aan die sosiale spel binne die klub beskikbaar is. Daarbenewens word die oefengroepe gedurig gewissel sodat al die spelers beide 'n sosiale en 'n oefenspeelbeurt gegun word. Hulle word dus nie as "spesiale" spelers uitgesonder nie en bly beskikbaar vir alle vorme van spel binne die klub se program. Die keurders en hierdie spanne het die klublede se volle ondersteuning in hul voorbereidings vir hierdie kompetisies nodig.

As sosiale klub poog Centurion Rolbalklub om 'n omgewing te skep waar al ons lede, in 'n ontspanne atmosfeer, op Dinsdae, Donderdae en Saterdae aan georganiseerde sosiale spel kan deelneem. Sosiale spel is die hoeksteen van die klub se struktuur en vorm ook verreweg die grootste komponent van die klub se aktiwiteite. Dit word ook dikwels met ander sosiale aktiwiteite soos braai-aksies ens. by die klub gekombineer. Al die klub se lede, insluitende spelers wat by die BGN- en ander kompetisies betrokke is, word aktief aangemoedig om aan die geskeduleerde sosiale spel deel te neem.

Jurg Odendaal.

Dankie!

2022 is byna agter die rug en Kersfees is om die draai! Die einde van 'n jaar is tradisioneel ook 'n tyd wanneer 'n mens rustig kan reflekteer oor die jaar wat verby is en kan fokus op die goeie dinge wat met jou gebeur het.

Centurion Rolbalklub het sonder twyfel 'n goeie jaar beleef en Bestuur wil hulle waardering uitspreek vir al die lede en ander partye wat gedurende hierdie jaar, op een of ander manier, 'n rol in die sukses van die klub gespeel het - in geen spesifieke volgorde nie:

- Elkeen van ons lede wat so geesdriftig aan die klub se aktiwiteite, insluitende sosiale spel, BGN- en ander kompetisies ens. deelgeneem het en Centurion Rolbalklub se naam hoog gehou het.
- Bertus, Andries en sy span - vir die instandhouding van ons bane.
- Ons diensspanne, onder leiding van senior lede van ons klub - vir die voorbereiding van die bane vir beide sosiale- en ander kompetisies, en vir die koffie/tee en verwante aktiwiteite.
- Hannes en Marsha - vir julle bereidwilligheid om aan die hoof te staan van die klub se onderskeie keurkomitees en vir al die werk wat daarmee gepaard gaan;
- Annie, Dawn, Tillie, Maria, Wim, Johan, Ernst en Jaco - wat as keurders onder leiding van Hannes en Marsha, die gradering van lede en saamstel van ons ligaspanne verantwoordelik is.
- Leon - vir die rol wat jy speel in rolbalontwikkeling binne die klub, jou borgskap en organisering van die maandelikse worslopiekompetisies, die hantering van spanboudae, ens;
- Wim, Leon, Hermien, Ernst, Zinda en Bosman - vir die belangrike rol wat julle as afrigters en mentors van nuwe spelers speel.
- Ernst - vir die uitsit en merk van die klub se bane en vir jou betrokkenheid by soveel ander instandhoudings- en ander projekte/klubaktiwiteite;
- Gerrit en Dawie - vir die samestelling en redigering van die Toucher;
- Al ons ligaspeleers en lede wat die klub, op een of ander wyse, in kompetisies ens. verteenwoordig het - vir julle toewyding en vir die wyse waarop julle die klub se naam hoog gehou het.
- Herman en Thea - vir die organisering van die onderskeie klubkompetisies;
- Johan - vir die lang ure wat jy dikwels agter die kroegtoonbank spandeer;
- Jaco - vir die ontwerp en die verkryging van ons klubklere;
- Stephan en Louie - vir die mooi servette wat julle laat druk en aan die klub geskenk het.
- Dirk - vir jou borgskap van die masjien wat gebruik word vir die merk van ons bane.
- Christa, Annie en Dawie - vir die manier waarop julle ons tuine versorg. Dankie ook vir al die lede wat plante en komponente vir die besproeiingstelsel geskenk het.
- Hermien - vir al jou harde werk, dikwels agter die skerms, as sekretaresse, wat o.a. die bekwame hantering van die klub se administrasie insluit;
- Dawie - vir die kommunikasierol wat jy binne die klub speel, o.a. mbv WhatsApp-kommunikasie, verjaarsdag wense stelsel, bulk e-posstelsel en algemene administrasie van die klub se web- en Facebook bladsye. Ook baie dankie vir die organisering en administrasie van die jaarlikse Twilight-toernooie;

- Marieta - vir die bekwame wyse waarop jy as tesourier die finansies van die klub hanteer;
- Liezel - vir die wyse waarop jy die spyseniering en verwante aktiwiteite hanteer en vir die bestuur van die skoonmaakaktiwiteite rondom die klubhuis;
- Pieter - vir die knap bestuur van die klubhuis;
- Dalina - vir die werk wat jy doen as administratiewe beampte van die klub en jou bereidheid om Liezel in die kombuis te ondersteun,
- Judy vir die administrasie rondom die uitleen van leesboeke – ons eie biblioteek in die klein!
- Willie Kruger wat soms op die mees ongeleë tye moet inspring om te sorg dat die motorhekke operasioneel is
- Vellemina - vir die getroue wyse waarop jy verantwoordelikheid vir die skoonmaak van die klubhuis en die koffie/tee reëlings geneem het.

Jurg Odendaal.

COMPETITIONS

Club

The senior men/ladies' singles competitions were run with great enthusiasm and especially the semi-final and final matches were tight and exciting. Congratulations to Wim and Maria as senior club champions! The remainder of club competitions are scheduled for next year, after completion of league commitments.

BGN

The following members did the club proud by participating in the BGN Pairs Competitions: Jaco Immelmann and John Perreira, Tiaan Pietersen and Brian Kleingeld, Magdaleen Antonites and Elize du Plessis, and Hermien Velleman and Maria Steyn. The latter reached the quarter finals. Congratulations!

Hannes Botha and Wim van der Waals did battle in the BGN Men Veteran Pairs and reached the semi-finals. Well done!



League

The first round of league matches ended on Saturday 3 December. Our club is generally well placed, according to the interim results:

Men Second Division:	1 st place
Men Fifth Division:	1 st place
Ladies Second Division:	7 th place
Ladies Third Division:	2 nd place
Ladies Fourth Division:	4 th place.
Men's Reserve Team:	5 th place.

Well done!

The remainder of the league matches will commence on Saturday 14 January 2023.

ROLBALONTWIKKELING

Afrigting

Vyf potensiële nuwe lede ontvang tans afrigting. Die klub beskik tans oor ses afrigters, naamlik Leon, Hermien, Bosman, Wim, Ernst en Zinda. Hierdie werk verdien groot erkenning, want dit word meestal onopsigtelik, en met groot moeite en dikwels spesiale reëlins, gedoen.

Oefengroep 2022

Die oefengroep het gedurende 2022 goeie sessies gehad! Soms heel maklik met lekker lag, soms meer moeilik, met effe van 'n gemor! Kort koppe en 'op' matte was vir sekere 'gereelde' bywoners 'n steen des aanstoots! Die opdrag van: "Moenie die jack skuif nie" was vir die meeste deelnemers 'n totale vreemde opdrag! Maar hoekom nie? Dit was en is nie deel van die oefensessie se doelwit nie, dit is hoekom!

Ons het wel hard probeer om almal "happy" te hou, deur die oefenspel so af te wissel dat meeste van ons periodiek 'n middag se oefen van waarde en spesifieke verwagting kon geniet- met 'n lied in die hart.

Van myself en Zinda, baie dankie aan almal wat gereeld daar was, asook die wat net eenkeer bygewoon het! Jul bywoning maak dat ons twee kans sien vir verdere oefengroepe op Dinsdae!

Met ons laaste Dinsdagmiddag byeenkoms, het dit tydens die terugvoersessie geblyk dat die 'hindernisbane' wel 'n positiewe invloed op sommiges se spelpeil het! Die verwagting was dat ons in 2023 weer op 'n Dinsdagmiddag oefen, met die versoek dat die aanvangstyd 13:30 moet wees, na 'n uur breek tussen die oggend sosiale spel en die oefensessie.

Ons het egter die 2022 WhatsApp-oefengroep ontbind vir die Desember feestyd, sodat almal tydens die feesseisoen kan afskaal, om net weer bietjie moed en energie op te bou vir 2023!

Indien jy sou belangstel om volgende jaar die oefengroep by te woon, stuur 'n Whatsapp aan Zinda (082 797 2321) / Ernst (083 260 5122) / Jurg (082 462 3359). 'n Nuwe WhatsApp-groep sal dan saamgestel word, waarop 'n kennisgewing op Maandae gestuur sal word om deelnemers te herinner aan die oefening en inligting te gee ten opsig van spesifieke hindernisbane wat opgestel gaan word. Indien dit reën, hael, windstorm of 'ons-is-met-vakansie en Willem vang vis', sal die oefening gekanselleer word!

Geseënde Kersfees, baie voorspoedige Nuwejaar!

Ernst & Zinda.

Reëls/Rules (Laws of the sport of bowls, 4th edition)

56.5 Re-spotting the jack

56.5.1 If a jack is dead, as described in law 19.1, the end must not be declared dead. Instead, the jack must be placed with the nearest point of the jack to the mat line at the appropriate re-spot position described in either law 56.5.2 or 56.5.3, or as close as possible as described in law 56.5.4, and play must continue.

56.5.2 Three re-spot positions

56.5.2.1 If the jack passes outside the side boundary of the right of the rink, it must be placed with the nearest point of the jack to the mat line at a spot on the rink which is 2 metres from the front ditch and 1.5 metres to the right of the centre line.

56.5.2.2 If the jack passes outside the side boundary on the left of the rink, it must be placed with the nearest point of the jack to the mat line at a spot on the rink which is 2 metres from the front ditch and 1.5 metres to the left of the centre line.

56.5.2.3 If the jack passes above the face of the bank that is within the side boundaries of the rink of play or comes to rest in any hollow in the face of the bank, it must be placed with the nearest point of the jack to the mat line at a spot on the rink which is 2 metres from the front ditch and on the centre line.

56.5.2.4 If the jack rebounds to a distance of less than 20 metres from the mat line, it must be placed;

56.5.2.4.1 with the nearest point of the jack to the mat line at the appropriate spot described in laws 56.5.2.1 and 56.5.2.2; or

56.5.2.4.2 with the nearest point of the jack to the mat line at the spot described in law 56.5.2.3 if it comes to rest on the centre line.

56.5.3 One re-spot position. A single re-spot position which is 2 metres from the front ditch and on the centre line can be used as an alternative to the three re-spot positions described in law 56.5.2.

56.5.4 If any of the spots mentioned in laws 56.5.2 and 56.5.3 are partly or completely covered by a bowl, the jack must be placed as close as possible to the covered spot, between and in line with that spot and the corresponding spot at the opposite end of the rink, without touching a bowl.

56.5.5 The spots mentioned in laws 56.5.2 and 56.5.3 must be marked using chalk or some other suitable method.

LEDESAKE

Verjaarsdae in Desember

4	Ernst Muller	22	Barend Lundie
12	Cathy Austen	27	Emil Haarhof
19	Alie Grobler	31	Ted Harley
19	Piet van der Merwe		

Verjaarsdae in Januarie 2023

1	Johan de Villiers	17	Hermien Velleman
3	Francis Slabber	18	Theuns Prinsloo (sosiale lid)
6	Priscilla Lamprecht		
7	Annatjie de Wet	21	Johan le Roux
10	Theo de la Rey	17	Hermien Velleman
14	Willie Kruger	27	Mari Flint
16	Kas Landman	27	Rina Meyer
16	Alta van Wyk	29	Pieter Brits
16	Ronell van Zyl	29	Etienne Olckers

Nuwe lede

Marius Potgieter, Ettiene Olckers, Lavonne Austen en Priscilla Lamprecht. Baie welkom!

Lief en leed

George Loock het 'n draai in die hospitaal gemaak, en sterk tans aan.

Baie sterkte!

Speeltye

- Dinsdae - gemengde spel, skyfies in 8:45 vir 9:00
- Donderdae - gemengde spel, skyfies in 8:45 vir 9:00
- Saterdag - gemengde spel, skyfies in 13:45 vir 14:00

Spel word Saterdag in klubdrag gespeel en gewone drag vir die ander dae. Vir klubwedstryde en klubfunksies trek ons ook klubdrag aan.

Fondse

Ledegeld en ander inbetalings by die bank, moet asseblief jou naam en van as verwysing toon, asook waarvoor jy die betaling maak. Dit sal die Tesouriere se taak aansienlik vergemaklik.

Klubfooie moet verkieslik direk in die klub se bankrekening inbetaal word.
Bankbesonderhede:

Centurion Bowling Cub
ABSA Centurion (Takkode 632005)
Tjekrekeningnr 405 332 3178

Ledegeld, wat BSA/BGN affiliasiefooie insluit, is ten volle betaalbaar teen 31 Oktober 2022.

<u>Kategorie</u> <u>(Ouderdom op 1 Julie 2022)</u>	<u>Ledegeld</u> <u>(Affiliasie BSA en BGN ingesluit)</u>
Getroud bo 75	R2 400.00
Enkel bo 75	R2 460.00
Getroud 75 en onder	R2 610.00
Enkel 75 en onder	R2 670.00
NB. Getroude persone: Albei moet lede van die klub wees om te kwalifiseer.	

NB. Getroude persone: Albei moet lede van die klub wees om te kwalifiseer.
Spesiale reëlins vir afbetaling kan met die Tesouriere gereël word.

Kontak Marieta Fourie by: secretary@centurion-bowls.co.za of Marieta.fourie@dustaside.com

Boeke

Snuffel gerus in die boekrakke vir iets om te lees en huis toe te neem. Daar is 'n kassie waarin jy R5 per boek moet ingooi. As jy klaar gelees het, bring die boek asseblief terug sodat iemand anders ook die leesgenot daarvan kan hê. Baie dankie, Judy, vir die versorging van ons boeke.

Diensrooster

Aangebring op kennisgewingbord.

GREENS AND FACILITIES

Both greens are presently in excellent condition, thanks to Bertus van Rensburg and his team. Bertus, together with Andries and his co-greenkeepers, were treated to a braai at the club facilities on 9 December, as token of the Club's sincere appreciation.

Ernst Muller does invaluable work with his marking chariot in marking the greens properly - again a special word of thanks to him and willing assistants!



The ultimate aim with the maintenance and development is to have both rinks on A-level status within three years.

FROM WHERE, GEHAZI?

Wally Smith



My name is Walter Henry Smith, but I have always been known as Wally. I was born in Judith's Paarl, Johannesburg on 13 May 1947. My school career started well. I received a prize in grade 1 for being first in my class. Having proved to my parents and myself that I could cope academically, I never really made much effort again until much later in life (in fact 35 years later). I attended the local primary schools and my high school years were spent at Athlone Boys High School in Bezuidenhout Valley, Johannesburg. I enjoyed cross-country running but most of my time I was devoted to the school's brass band and orchestra.

After completing my matric in 1964, I studied at Wits and the Johannesburg College of Education where I obtained a BA and a Higher Diploma in Education. I began my teaching career in Johannesburg. In 1981 I was promoted to the post of deputy principal of a school in Kempton Park and in 1985 I was appointed principal of Milner High School in Klerksdorp. I was extremely fortunate as school principal of Milner, in that I had a competent staff and a very supportive parent community. During my time in Klerksdorp, I decided to improve my qualifications and enrolled for a BA Hons at *PU vir CHO*. (NWU). The outcome was that 35 years after passing grade 1, I was awarded the BA Hons in March 1988. Soon after completing my BA Hons, I enrolled for a MEd at *RAU* (UJ). I was awarded my MEd in April 1991.

In July 1990 I was appointed as an Inspector of Education in the Vaal Triangle. This was a new challenge: the majority of the schools were Afrikaans and my Afrikaans was poor. When

I held principals' meetings I would prepare all my notes in Afrikaans and address the principals in Afrikaans but when I opened the meeting for questions, I would switch to English. It made my life a lot easier.

In 1992, I was transferred as Inspector of Education to Pretoria. In 1994, the education system changed. The post of Inspector was abolished. I was absorbed into the Gauteng Department of Education (GDE) and in 1998 I was appointed as Vice Rector of the South Africa College for Teacher Education (formerly known as OKSA).

A few years later the Department of Higher Education decided to close all the teacher training colleges and I was transferred back to the GDE in their labour relations directorate. I retired at the end of 2006 and immediately thereafter accepted a position with NAPTOSA, the teacher union. I remained with NAPTOSA for another 12 years. It was an amazing experience. I met many wonderful people and learnt a lot. I eventually retired at the end of 2018.

In 2001 I got divorced. In 2007 I married Mariaan. Between the two of us, we have five children and six grandchildren. We are both avid readers and love travelling. In previous years we also went camping quite often. Mariaan enjoys her art classes and I potter in the garden which I find to be good exercise and very relaxing. We also value spending time with our grandchildren.

The day after I retired, Wim van der Waals contacted me and said I must learn to play bowls. Thank you, Wim. Centurion Bowls is an amazing club. The members are warm hearted and display the value of embracing one's autumn years with gusto and a good shot of humour. There are so many members who have encouraged me, persuaded me not to give up, provided practical guidance as well as numerous good laughs. I am totally indebted to all of you.

However, I still have one persisting challenge: *"Wally, hoe gaan dit met daai wit bal?"*

Sien julle op die baan!

OP LIGTER NOOT.....

Skip Bart Brombeer: "Mensig, maar die mense speel weer stadig vandag. As dit so aangaan, speel ons vanaand nog. Daar is werklik mense wat kan doen met 'n ekstra huppel in die stap."

Skip Gawie Geduld: "Bart, ou maat, op ons ouderdom moet 'n mens maar nie te haastig wees op die baan nie. 'n Huppel in die stap sit maklik om in 'n druppel in die stap...."

oooOooo

Stuur asb jou nuuswaardighede aan Gerrit Kamper by kampergd9@gmail.com , praat met hom op die rolbalbaan of Klubhuis of skakel met hom by 073 171 5630

Besoek gerus ons Webwerf by: www.centurion.bowls-club.co.za

en ook by: <https://centurionrolbalklub.shutterfly.com>. (Fotos)

Neem ook kennis van die Klub se nuwe e-pos adres:

secretary@centurion-bowls.co/za

Wanneer u e-pos aan hierdie adres stuur sal dit minstens al die lede van die Dagbestuur bereik